

Keadaan makin serius

Kawasan tidak dilanda banjir bulan lalu tenggelam

>>Oleh Ahmad Othman
Gambar oleh Ahmad Othman.

KOTA TINGGI: Banjir luar biasa yang melanda daerah ini sejak Jumaat lalu, semakin serius menyebabkan beberapa kawasan yang tidak dilanda banjir bulan lalu, kini turut ditenggelami air.

Keadaan itu menyebabkan bilangan mangsa banjir meningkat dan beberapa sekolah dan dewan orang ramai dibuka kembali sebagai pusat pemindahan.

Antaranya Dewan Serbaguna Kota Kecil, Sekolah Arab Kota jaya, Sekolah Teknik,

Sekolah Menengah Kebangsaan (SMK) Bandar, SMK Taman Kota Jaya, Dewan Jubli Intan Sultan Ibrahim, Balai Raya Taman Melati Putih, Sekolah Agama Taman Kota Jaya (TKJ), Sekolah Rendah Arab Bersepadu (SRAB), Sekolah Kebangsaan (SK) Datuk Usman Awang dan , SK Laksamana.

Semalam, keadaan menjadi kelam-kabut apabila air terus naik di Taman Kota Jaya menyebabkan pusat pemindahan Sekolah Agama TKJ, Dewan Orang Ramai TKJ dan Balai Raya TKJ ditutup dan mangsa dipindahkan ke tempat lain.

Kali ini penduduk yang mendapat pengajaran daripada pengalaman banjir bulan lalu dapat menyelamatkan barangan di rumah dan sempat melarikan kenderaan ke tempat tinggi dan selamat.

Pagi semalam, pusat pemindahan Dewan Sebaguna Kota Kecil bersebelahan Taman Guru dekat sini, hampir dinaiki air tetapi sehingga petang semalam, ia masih beroperasi dan dijadikan penempatan mangsa.

Kota Tinggi kini terputus perhubungan jalan darat ke Kulai, Kluang dan Johor Bahru dan jumlah mangsa banjir yang bertambah menyebab-



ANGKUT...petugas MDKT membantu mengangkut bekalan makanan dari helikopter Unit Udara Jabatan Bomba dan Penyelamat Malaysia di Kota Tinggi.

kan bekalan makanan hampir berkurangan.

Unit Udara Jabatan Bomba dan Penyelamat menggunakan dua helikopter yang ditempatkan di Padang Bukit Kerajaan membantu mengangkut 15 tan bekalan makanan dari Depot Kem Majidee melalui enam penerbangannya se-

jak pagi semalam.

Kecekapan juruterbang yang diketuai Major Kamarudin Hassan dan Kapten Thanom a/l Ekling dan krewnya melakukan penerbangan walaupun cuaca hujan perlu diberi pujian.

Sebuah helikopter milik Plus juga kelihatan membantu menghantar bekalan ma-

kanan ke daerah ini.

Petugas dari Majlis Daerah Kota Tinggi (MDKT) membantu mengangkut bekalan itu untuk disimpan di penempatan khas sebelum diagihkan melalui Jabatan Kebajikan Masyarakat (JKM) ke pusat pemindahan seluruh daerah ini termasuk di luar bandar.